

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23) i člana 45. stav (2) Zakona o izvršavanju Budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23), na prijedlog Kantonalne uprave civilne zaštite, Vlada Zeničko-dobojskog kantona, na 22. sjednici, održanoj dana 02.06.2023. godine, d o n o s i

ODLUKU
o odobravanju sredstava Gradu Zenica
za sufinansiranje izgradnje Doma Gorske službe spašavanja na Smetovima

Član 1.
(Predmet)

Odobravaju se sredstva Gradu Zenica za sufinansiranja infrastrukturnog projekta izgradnja Doma Gorska služba spašavanja na Smetovima, na području Grada Zenica u iznosu od 150.000,00 KM (slovima: stotinupedesethiljada konvertibilnih maraka).

Član 2.
(Analitička konta)

Sredstva iz člana 1. ove odluke isplatit će se iz Budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23), sa razdjela 14 - Kantonalna uprava civilne zaštite, budžetska organizacija 01, potrošačka jedinica 0001, ekonomski kod 615100 - kapitalni transferi drugim nivoima vlasti, funkcionalna klasifikacija 320 (budžetska sredstva).

Član 3.
(Uplata sredstava)

Sredstva iz člana 1. ove odluke uplatit će se na depozitni račun Grada Zenica, a koristit će se za namjene utvrđene u članu 1. ove odluke.

Član 4.
(Provođenje odluke)

Za realizaciju ove odluke zadužuje se Kantonalna uprava civilne zaštite i Ministarstvo finansija, svako u okviru svoje nadležnosti.

Član 5.
(Izvještavanje)

Zadužuju se Grad Zenica da izvještaj o implementaciji infrastrukturnog projekta iz člana 1. ove odluke dostavi do 31.12.2023. godine Kantonalnoj upravi civilne zaštite.

Član 6.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

PREMIJER

Broj: 02-11-9137/23

Datum, 02.06.2023. godine

Z e n i c a

Amra Mehmedić

DOSTAVLJENO:

1x Kantonalna uprava civilne zaštite,

1x Ministarstvo finansija,

1x Grad Zenica, putem Kantonalne uprave civilne zaštite,

1x „Službene novine Zeničko-dobojskog kantona“,

1x a/a.